

〈分別功德品第十七〉

【一品大意】《法華經大成》卷7：「此品至〈常不輕〉。四品為『入佛知見』。由前佛說壽命長遠。三世益物。化化不絕。法會大眾。已悟法身常住。不生不滅。又聞。眾見劫盡。淨土不毀。以了三界唯心。不離當處。到此生滅情忘。淨穢見泯。深心信解。妙悟已極。個個入佛知見。有證入、解入之別。故如來與之分別焉。下〈隨喜〉一品。亦是解入之餘。所得功德殊勝無比。一念隨喜尚然。況五種法師。所以繼下又明〈法師功德〉。六根清淨。內外莊嚴。此但明證入之法。〈不輕〉一品。引自往昔之事。正顯能證入之人。以勸當來進修。故此四品為入佛知見。甄別行位。疏通聞證。謂之『分』。造道證性。淺深不同。謂之『別』。地涌過去弟子。靈山現在弟子。聞壽命長遠。得種種益。謂之『功德』。群賢聞法。默識心融。龍蛇莫辨。彼此相蒙。佛為分別稱揚。則物色自分。如剖璞出玉。博沙見金。有如是人、如是法。機教兩妙。故天人興供。慶法慶人也。」(X32,p.503a4-19)《法華經授手》卷8：「法華論分此文。有法力、修行力二種。法力者。由法而成。故名為力。有五：一證。謂六百八十萬億得無生忍。乃至一生得菩提者。是也。二信。謂八世界微塵數發菩提心者是也。三供養。謂是菩薩得大法利時。於虛空中。雨天華等者。是也。此三如今品。四聞法。如〈隨喜品〉。五讀誦持說。讀誦。如〈法師功德品〉。持者。追指〈法師〉、〈安樂行〉、〈勸持〉三品。說者。如〈神力〉、〈囑累〉二品。皆屬法力。修行力者。苦行如〈藥王〉品。教化如〈妙音〉品。護難如〈觀音〉、〈陀羅尼〉二品。示功德如〈莊王〉品。護法如〈普賢〉品。知音云。此亦諸佛自在神通力所加庇也。不然。何談壽量於少時。而功德遍於大會。豈不速成就哉。正照〈藥艸喻品〉。如來無量無邊阿僧祇之功德也。」(X32,p.771a22-b10)

P. 614, L. 2【本品具有】《法華經綸貫》：「第十七分別功德品者。佛說壽量。三世弟子得種種益。故言功德。淺深不同故言分別也。品中有授記、領解、流通。佛說長行。為總授法身記。彌勒說偈。為總申領解。此後為流通分。於中先明現在四信。次明滅後五品。」(X32,p.6b10-14)參考本書 p. 22:2~7

P. 614, L. 3【四信、五品】「四信」：1. 一念信解。未能演說。2. 略解言趣。

3. 廣為他說。4. 深信觀成。「五品」：1. 直起隨喜心。2. 加自受持讀誦。3. 加勸他受持讀誦。4. 加兼行六度。5. 加正行六度。

P. 614, L. -【那由他】又作【那由多】音譯作兆、溝。《俱舍論》卷十二：「如彼經言，有一無餘數始為一，十一為十，十十為百，十百為千，十千為萬，十萬為洛叉，十洛叉為度洛叉，十度洛叉為俱胝，十俱胝為末陀，十末陀為阿庾多，十阿庾多為大阿庾多，十大阿庾多為那庾多。」此中，那由多當為千億(10¹¹)。新譯《華嚴經》卷四十五、《方廣大莊嚴經》卷四〈現藝品〉等所說同此。—《中華佛教百科全書》

P. 614, L. -1【證圓十住】《法華經授手》卷 8：「聞持陀羅尼。入十行位。大論明三陀羅尼：一聞持陀羅尼。得此者。一切語言諸法。耳所聞者。皆不忘失。即名聞持。二者分別知陀羅尼。三者入音聲陀羅尼。」(X32,p.771b24-c3)《妙法蓮華經文句》卷 10：「分別者，佛語圓妙，不可用權位釋經，故上文開示悟入佛之知見，今本門增道損生，皆約圓位解釋。下八世界發心者，六根清淨人，初入十信位也，故《仁王》云「十善菩薩發大心，長別三界苦輪海」，即此義也。得無生忍，入十住位也，故《華嚴》云「初發心住，一發一切發，得如來一身無量身，清淨妙法身，湛然應一切」，即此義也。得聞持陀羅尼，入十行位也。」(T34, p.136c6-14)

P. 615, L. 3【證圓十行】《妙法蓮華經文句》卷 10：「得樂說辯才，入十迴向位也。得無量旋陀羅尼，入初地也。得不退，入二地也。得清淨，入三地也。八生，入四地也。七生，入五地也。六生，入六地也。五生，入七地也。四生，入八地也。三生，入九地也。二生，入十地也。一生，入等覺金剛心。若論增道損生，不如光宅斷因生之生，不如天親斷果報之生，但約智德論增、約斷德論損，約法身論生、約無明論滅。例如《大經》月喻，從初一日至十五日光色漸增，從十六日至三十日光色漸減，約一月體而論增減，喻約法身而論智斷。」(T34,p.136c14-26)

P. 615, L. 4【旋陀羅尼】《法華經演義》卷 5：「得無量旋陀羅尼。此即得初地。旋即旋轉。謂旋假以入空、旋空以入假、旋空假以入中也。若別教。則先

空次假後中。而歷次第。今是圓教。旋假入空之時。則一空一切空。旋空入假之時。則一假一切假。旋空假入中之時。則一中一切中。此之旋空、旋假、旋中之陀羅尼。初地菩薩乃能得也。」(X33,p.245a2-7)

P. 615, L. 7【能轉不退法輪】《法華經演義》卷 5：「能轉不退法輪。即是得於二地。二地菩薩。自己證於不退。還以自所證者。轉入前人之心。亦令其證於不退。故云能轉不退法輪也。」(X33,p.245a7-10)

P. 615, L. 8【薩婆若】「一切種智」梵語 sarvathā-jñāna。三智之一。又作佛智。就廣義言之，一切種智同於薩婆若（一切智）。然於三智中，相對一切智，則唯指佛能得之智。即能以一種智慧覺知一切道法、一切眾生之因種，並了達諸法之寂滅相及其行類差別之智。《大智度論》卷 27：聲聞、辟支佛「如是現事尚不能知，何況心心數法，所謂禪定、智慧等諸法！佛盡知諸法總相、別相故，名為一切種智。復次，後品中佛自說：「一切智是聲聞、辟支佛事，道智是諸菩薩事，一切種智是佛事。」聲聞、辟支佛但有總一切智，無有一切種智。」(T25,p.259a17-23)《思益梵天所問經簡註》卷 3：「又問：何故說言薩婆若？答：言悉知一切，真智慧故，名為薩婆若。【註】薩婆若，云覺圓滿。一切覺道至此圓滿，故能悉知。如百川眾流至于大海，乃名具足。故又云薩婆若海。」(X20,p.831b21-24)

P. 615, L. -4【離三惑垢】「離垢地，梵語 vimalā-bhūmi，音譯維摩羅普。又作無垢地、淨地、具戒地。菩薩修行五十二階位中十地位之第二位。入於此地得守清淨戒行，遠離煩惱垢染。又以此地具足三聚淨戒故，亦稱具戒地。～《佛光大辭典》

P. 615, L. -5【二千中國土】《法華經授手》卷 8：「從凡至聖。自少增多。明增數。次下又從中千至小千。自多減少。明減數。可見得果大者。眾復少矣。○此入三地。數約二中千者。一千須彌為小千。千倍小千為中千。千倍中千為大千。今兩倍中千。是減數也。清淨法輪者。前二地既已離垢。今第三地能發真如妙光。則所轉之法。皆清淨無染故。」(X32,pp.771c18-772a1)

P. 615, L. -2【餘無明】

餘無明 品數	9	8	7	6	5	4	3	2	1
地位	三地	四地	五地	六地	七地	八地	九地	十地	等覺

P. 616, L. 3【四天下】圍繞須彌山之東南西北四大洲，又名四天下。依《大樓炭經》卷一〈閻浮利品〉、《長阿含》卷十八〈閻浮提洲品〉、《起世經》卷一〈閻浮州品〉等所說，一日月所照的四天下，即一世界。

P. 617, L. 3【拈拾】【拈拾教】即拾取落穗之教。為天台宗對涅槃經教之稱呼。於涅槃經教之前，有法華經會之開顯一乘，或有眾生未堪聞法華，或自甘退席，或移置他方，更待涅槃經教之拈拾，使具真常佛性，以入大涅槃。涅槃經拈拾法華經會所遺洩之根機，故以秋收後之拾取落穗為喻，而謂法華為大收，涅槃為拈拾。～《佛光大辭典》